

民國上海縣誌
二

民國上海縣志卷六

商務下

商業團體

凡已見續志者不列已見續志而調查較詳者仍附列

中華國貨維持會爲緒綸錢江雲錦盛涇京緞縐業典業衣業帽業繡業各公所團體聯合組織元年始設於中旺街八年購會所於高墩路費一萬七千餘元籌募不足由簡照南龐竹卿助欸成之當政府議訂冠服章制時請願採用絲織國產品經內務部呈大總統批准三年冬菲律賓嘉年華會徵求我國物品與賽會長伍廷芳副會長王文典自備川資攜商品赴賽獲獎證多種四年農商部開全國國貨展覽會副會長王介安亦自備川資赴京特闢一所專列會內赴賽品是會江浙兩省得獎匾額者六而會內赴賽者得其五時論榮

之黎大總統頒給利用厚生額

常熟米業公所在洪昇碼頭內新新街清光緒十八年建初名常昭米

業公所光復後改今名額曰豐裕

基地三分五釐

義德堂麵粉公所在吾園路清同治初建奉關壯穆侯象

基地一分五釐

均德堂麵業公所在薛衙底麵鋪同業公立清同治元年購置光緒三

十年增葺

基地三分五釐六毫

體仁夏布公所在二十五保十六圖梅家街清光緒十三年購建

山東河南綢業公所

續志作絲綢業公所

向在山海關路十一年購開北太陽廟地

二畝六分七釐十二年建中奉關壯穆侯象左爲同業先輩祠右爲議

事室

蠶業公所在大生街清光緒三十一年建祀關壯穆侯

衣莊公所在天燈街清光緒十二年購建

裘業公所在曲尺灣清光緒十四年皮貨業建

履業公所原稱靴鞋公所在金家旗杆八年建奉神位三中曰履祖左

曰孫贖右曰趙武靈王

嶺雲公墅氈帽公所在蔡陽街清光緒元年建中奉財神象額曰冬煦

堂光復後氈帽需要大減業驟落公所等於虛設

基地三分六厘

鮮猪業敦仁公所在孫家街清光緒初購地建屋

基地二分有奇

額曰敦仁堂祀

關壯穆侯民國六年大加修葺設同業送醫所同業善後會暨商業

學校

魚業公所在大生街民國二年建廳堂大小十五幢中奉關壯穆象額

曰得所堂

基地七分五釐四毫

興安公所俗稱桂園公所在金家宅街閩省業桂圓黑棗檀香商公立
創始於清乾隆間初設新開河嘉慶十二年大理寺卿郭尙先撰記
立碑咸豐朝公所燬於兵碑獨存同治十一年購地建屋供天后象

民國十年江祖著等重修並董事會

基地
八分

水果公所時行堂清光緒十四年始設於小東門內

見續
志

民國五年購

裏毛家街楊姓屋改建六年工竣遷入

基地一畝四
分四釐三毫

滬南三山會館爲閩商之營青果福橘業者公立初賃屋於裏倉橋清

光緒季年購地於二十四保二區方十二圖滬杭車站對面宣統元

年始建閱五載工竣殿宇宏麗供湄州天后象殿前爲戲臺後爲樓

西爲園池石亭臺參差掩映繚以西式磚牆

何振岱撰記基地
四畝二釐五毫

書業公所在障川路清光緒十二年購地及屋

基地三分
七釐四毫

有堂曰崇德旋

出賃公所以廢二十六年復設於公共租界小花園宣統三年遷回原址公訂章程選舉董事創辦書業商團民國八年集捐設同義善會又設文友社每歲刊行國民快覽一書議董章宸蔭捐資購義塚地六畝八分六釐於寶邑大場鎮又將公所儲款購閘北指江廟路地三畝四分有奇備建醫院

上海印刷全業公所在天通菴八字橋堍印刷業公立

基地十畝

紅木拆料同業公所永林堂在福佑路爲批拆紅木花梨陰沉香楠等樹料商公立始創於清光緒初民國三年併入烏木煙桿業集款改

建

基地二分一釐八毫

磚灰業公所

見續志

永諧堂在金家牌樓清光緒三十一年南北市磚灰

同業集資購地一畝七分宣統二年吳旭齋等經建廳事五楹中奉

上海縣志

關壯穆侯象民國九年建槐亭

錢昌輝撰記

銅錫公所

見續志

在利涉橋西北蕭谷峯捐地二畝二分二釐一毫同業

集資添購四分六釐三毫清光緒三十年建大廳奉關壯穆侯象民國四年改建並奉老君象左右奉發起人神龕樓上爲議場東西爲董事室招待室首董長生位及助欸五百圓以上肖像各室及辦公室寢室門房庖湑之屬咸備糜資萬二千金

漆商公所在火神廟東清光緒十九年建奉關壯穆侯朱文公羅大真人神位附設漆商認稅事務所

基地七分二釐

草紙業浙嚴公所在荷花池清咸豐五年購建供同業客商住宿及屯

貨中供天曹府君象

基地五分

磁業公所在陸家宅清光緒三十三年購建基地四分七釐供關壯穆

侯暨平浪王象民國八年購二十五保十圖地二分六釐二毫樓屋五幢以賃金充公所經費

洋貨商業公會爲字號門莊行家五金玻璃煤油顏料木器食物九業三百餘家公立在法租界東新街法冊道契第一百七十三號地三畝七分七釐三毫清光緒三十四年建額曰振新並建振新里樓房出賃充常年經費

蘇州集義公所向在法租界晏公廟西光緒三十二年營運日本海產

雜貨業公建

有續志

有丙舍民國元年法工部局取締停柩因購地於

二十五保十五圖麗園路計二十五畝建屋二百三十間八年工竣始遷廳事奉關壯穆侯象額曰懷德

油麻公所在老太平街清同治二年桐油苧麻同業建屋兩進各三楹

中供關壯穆侯象是業兼營釘鐵當沙船盛行時需要大繁獲利甚

豐自輪船興沙船日少是業遂形衰落然公所司月仍勿廢

基地九分八釐四毫

德馨堂煙業公所在東姚家街清同治九年旱煙業商公立初設財神

街民國六年購屋於是

基地一畝四分八釐五毫

煙兌業衆和社有事亦於此集議

齊安公所在侯家路季家街煙葉業公立亦稱煙業公所

敬業堂西菸公所俗稱鼻煙公所在油車街清光緒二十三年京滬同

業公建

基地四分四釐

中奉關壯穆侯天后諸象江蘇巡撫趙舒翹采辦貢煙

內閣學士陳邦瑞御史宋伯魯進呈貢煙因均有聯額題贈

敦義堂茶食公所在二十五保十圖中華路清光緒間茶食肆同業購

建奉關壯穆侯象

基地一畝有奇

星江茶業公所在糖坊街洋莊茶葉各棧公立初設花草浜五年移建

於此正廳供朱文公神位額曰敦梓堂

基地一畝一釐

銀行公會在香港路六年七月成立最先入會者爲中國交通浙江興業浙江地方實業上海商業鹽業中孚七行八年議決檢定公共準備金規則爲入會各銀行不虞之備每行所存金額至少規銀一萬兩於會中特闢庫房存儲之故不生息他如刊行銀行周刊改組上海公棧組織商業名詞研究會公定營業規程承募交通部八釐短期購車公債組織上海造幣廠借款銀團發行通泰鹽墾五公司債票代兌中法實業銀行鈔票發起票據研究會請願政府停止續發新公債凡所以利商業紓民困者莫不首先發起擘畫周詳至十二年止入會者又有聚興誠四明中華廣東金城新華東萊大陸東亞永亨中國實業東陸正利中國通商中南農商工商各銀行先後

凡二十四行十一年三月發行房地產公債三十萬兩爲改建會所之需

金業商會在公共租界黃浦灘路清光緒十九年建

華商紗廠聯合會設總事務所於愛多亞路設會長副會長各一人董事十一人每年三月開大會一次在會各廠應納會費按照各該廠用花每擔抽銀三分十年起改每擔抽銀一分五釐新廠入會須繳入會費銀壹百兩十二年間全國入會紗廠計四十八家設立在邑境者十七家

浙紹拂布公所在淨土路清同治八年浙紹人業染洋貨拂布工人立

拂布俗稱
席拂布

光緒間購建

基地三分有奇

漂業公所在喬浜路東口三年漂業工人立

糙色洋布用漂白粉漂染成白即稱漂白布

上寶青藍淺批染藝公所在西倉路清光緒二十四年紹興染藝工人

聯合寶山境內各坊公立

綢綾染業公所在貴州路永平里

綺霞堂染業公所在署前路壽康里

金陵染業公所有二一在三官堂路一在穿心路

蘇紹絲綾絨經染藝公所在中華路白漾街口十年立中奉關壯穆侯
象

鼎和堂廚業公所在藥局街六年南北庖人公立爲同業集議之所並
辦施醫施藥施棺諸善舉

公共宰作在薛家浜口滬甯蘇三幫公建

甯幫木作公所在新閘橋北祀公輸子

漆藝公所在派克路梅福里

方作公所在尚文路胡家街棺木工人公建

道達堂溝路公所原名砌街公所附設於水木工業公所清道光九年
始自立團體同治二年集資建公所於文廟路民國九年增葺並釐
訂章程整頓行規呈准淞滬警察廳暨縣公署立案

印刷職工聯合會在芝罘路

鑄業公所在邑廟玉清宮

梓業公所在西倉橋高家街雕花作同業立

銅鐵機器公所在茂德路東華德路

徽甯梓業公所在高家街清咸豐六年徽甯紅木工人公建中奉魯般

象

聯梓堂紅木物件公所在望雲路九年購屋

基地二分
六釐五毫

梳妝公所在大白柵二年紅木梳妝鏡匣同業立基地一分四釐

象牙公所在北張家街十二年建基地二分五釐

骨器小行公所在林蔭路

皮坊公所在麗園路六年牛皮業建基地五分

水鑪公所在斜土路水鑪俗稱老虎灶同業公建

鑪坊公所在儀鳳路石湖坊

簡簿公所在西姚家街

裝池公所在石駁岸裝裱書畫碑帖同業公立

整容公所在青龍街雞毛街薙髮同業立

永義堂紙器公所在虹橋街蘇滬紙紮冥器同業公立七年購中供羊

角哀左伯桃象基地二分

上每縣志

卷六

捷音公所在靜修路清同治十一年販賣日報同人公立

星相公所在凝河路星相同業向設恤幽會於豫園旋廢六年購屋立

公所辦理同業賒棺善會暨惜字會屋七楹供鬼谷仙師方炳靈公

象額曰居易堂

基地三分
一釐一毫

梨國公所在梨國路清同光間京劇同人公建光緒季年復加修葺附

設伶界聯合會

金融機關

自山西票號衰落之後上海金融機關之組織其一爲錢莊其二爲外

國銀行其三爲內國銀行

信託公司儲蓄會官銀公司
均歸納于銀行或錢莊之內

錢莊最初營業僅係兌換一端嗣後商業日繁始有存款放款及流通

莊票之業務光緒初北市有八十餘家南市有三十餘家迨至七年中

法之役倒閉相繼僅存二十餘家旋又逐漸恢復北市有七十餘家南市有三十餘家後營口市面衰敗滬上各莊受其影響頗有外強中乾之象不旋踵而橡皮風潮突起市面大爲震動其消沉之象不亞於中法之役倒閉者數十家辛亥鼎革市面益不可問是時南北兩市共存五十餘家至民國二年逐漸恢復迄今各莊資本亦日益加巨魄力雄厚者大都側重於抵押放款故北市有八十七家南市亦有二十五家雖經五四風潮交易所風潮五卅風潮均不甚受其影響

外國銀行自上海互市以來至於今共有二十餘家交易以滙豐爲最大勢力亦最強實以上海商務英商居十之七八而滙豐爲之總收付也日本金融機關初僅正金臺灣二家旋又增爲六七家德華因歐戰沒收中法因虧累倒閉近均復業是以我國進出口之收付機關均爲